



第一一四八冊

四庫全書

● 上海古籍出版社

本冊目次

文

忠

集(二)

宋周必大
周綸編

.....
一

欽定四庫全書

集部
文忠集卷九十四至九十七

詳校官庶吉士臣李傳儼

主事臣呂雲棟覆勘

總校官進士臣楊樾珩

校對官學正臣李巖

謄錄監生臣沈立鈞

欽定四庫全書

文忠集卷九十四

掖垣類藁一

宋周必大撰

紹興三十二年九月任起居郎兼權中書舍人

兵部侍郎周葵兼侍講 壬午九月二十七日

勅朕以眇身學於古訓既詔有司趣講勸之日又延近輔預從容之觀敢專事於虛文庶共譚於治道增廣仲尼之益友特招太上之弟臣具官某與學測於聖幾直

欽定四庫全書

文忠集卷九十四

聲聞於天下粵自纂承之始首還嚴近之班雖大廷可告於辰猷而重席未親於畫訪其以詰禁制軍之暇副予繩愆糾謬之求在熙寧時有若司馬光之正論及元祐世亦惟范祖禹之醇儒皆於講讀之間傳以箴規之誼朕思成德之允協爾尚古人之與稽可

發州觀察使韓恕除知閣門事兼客省四方館

事 壬午八月十五日詞頭

勅句臚傳而漢儀尊侍御正而周德懋欲識先王之遺

意必求當世之舊人具官某忠獻諸孫裕陵自出見聞至廣故深開朝會之儀廉介有常故不溺膏粱之習雖爾求安於暮景顧予思肅於昕朝姑借重於廉車以提綱於賓贊勉圖自力毋復懷歸可

九月二十二日聖旨張說充奉使不受金又辭

免兩人白身恩澤理宜旌賞可特與落階官

勘會張說見係右武大夫榮州刺史

壬午

勅朕副位之初大明黜陟凡膺褒典夫豈徒然具官某以

欽定四庫全書

文忠集
卷九十四

二

醞藉而董賓贊之儀以敏達而介皇華之使既却兼金之餽仍還應格之恩擢正州符以風示在列使知見小利如思恭者罰必及而不傷廉如汝說者賞遽加則予一人勸沮之方其庶幾乎可

右諫議大夫任古言孟思恭奉使受賂止罷見

任太輕奉聖旨特降一官吏部供本人元係

武功大夫吉州刺史落階官授文州刺史

壬午

壬午八月七日

勅具官某出疆脩聘遠有光華凡以客從豈容貨取朕懼夫流弊之未革也故詔二三執政諄諄誨之而汝言猶在耳貪已萌心縱不畏四知獨不畏朕乎夫受金之過小而慢令之罪大此朕所以不汝容而諫大夫所以重劾也削階罷免往自省循可特降授武功大夫吉州刺史

安德軍節度使同知太宗正事士銜故妻令人

張氏遇紹興三十一年九月二日明堂赦特

欽定四庫全書

文忠集
卷九十四

三

贈清河郡夫人安慶軍節度使同知太宗正事士錢故妻令人曹氏特贈永嘉郡夫人譚氏信安郡夫人

勅乃者太上皇帝以季秋上辛大享明堂輝胞翟閭罔不受福矧予服屬之尊閭閻之懿其可以既歿而廢漏泉之澤乎具封某氏稟秀彊宗來嬪公族雖素順有聞於世而年齡獨嗇於天會逢慶需之行誕錫追榮之典勉夫以正不及觀麟趾之成裂地而封尚歆此魚軒之

寵可

知泗州夏俊申收復泗州全得盱眙軍免解進士胡昉之力望優賜推賞仍陶鑄州官十月二十二日聖旨特與補右廸功郎充泗州司戶參軍 辛巳

勅某人汝書生也乃能奮其智勇於郊壘未平之秋可惜一官不以勸有意功名之士可

樞密院奏武功大夫東南第二將廬州駐劄向

欽定四庫全書

文忠集
卷九十四

四

琪見充沿邊差遣兼提舉沿淮民社職事修舉十月十二日聖旨與轉一官特轉遙郡刺

吏

勅具官某朕以爾稟氣山西稍更邊任肆因右府之請而使遙刺一州可謂寵矣江淮之上備禦方嚴勉立殊勲無負知已可

又奏武德郎建康府駐劄御前右軍副將淮西安撫司統領軍馬侯守權十月十二日聖旨

與轉一官

勅具官某朕以爾乘邊浸久馭衆有聞不待塞旗斬將之勞而錫以叙遷之命可謂恩矣江淮之上備禦方嚴勉立殊勲以須後寵可

承信郎劉握父寶見年九十八歲該遇明堂大禮赦特封保義郎致仕

勅某人天子省方先見百年者貴老之義也矧均祭澤何吝官榮服我命書永受子孫之養可

欽定四庫全書

文忠集
卷九十四

五

閣門看班祇候潘師尹潘師旦張進之並為供

職歲久祇應詳熟特與依例落看班二字

勅具官某朕大昕御朝廷見羣下汝嫻於儀矩久閱班聯稍正其名益恩祇敬可

紹興三十二年八月十三日聖旨德壽宮官 闕

諸色人等並係日常侍衛應奉可令所屬照應已降赦文各轉兩官資推恩施行

勅某人等朕於事親無所不用其至故凡隸名西內者

推恩率有加焉疊進官榮往圖報効可

提學淮東常平茶鹽王珏奏保義郎監楚州鹽

城縣五祐等鹽場權縣事劉迪忠翊郎監楚

州鹽城縣買納鹽場胡熙知邊兵在近安職

不去各與轉一官 壬午正月二十七日

勅劉迪等乃者強敵踰淮人無固志汝惟小吏獨守其

官使者以聞朕心嘉歎序遷一列少愧懦夫可依前件

嘉州秦新除敷文閣直學士左大中大夫提舉

欽定四庫全書

文忠集
卷九十四

六

成都府玉局觀劉觀乞致仕七月二日聖旨與

轉一官致仕

勅蜀士盛於西漢然司馬相如王褒揚雄之徒皆位不

過郎大夫且未有歸老於其鄉者嘉予近侍獨掩前聞

具官某忠信醇固廉清寬博問學施於安平之世議論

見於艱難之時退將真祠歲月久矣古所謂達尊三者

備蓋兼之上章告歸寵進秩序往遂安車之適底無大

耄之嗟可

劉觀上遺表特贈四官

辛巳七月二十一日

勅孔子曰君子疾沒世而名不稱焉若夫仕更三朝而公卿推其德身享耄期而四方儀其行逝者如斯亦可以無憾矣具官某學造乎道文根於理陟降左右早得陳力之誼燕安閭里晚蹈知止之規考終厥命五福備矣進階三品寵以書贊庶幾令聞廣譽後世猶有攷焉可

秉義郎閣門同提點承受常士廉奏主行登寶

欽定四庫全書

文忠集
卷九十四

七

位典禮應奉了畢遂次恩賞止乞依孫舜卿

例帶行閣門祇候九月一日聖旨特依所乞

勅具官某朕歷於慈訓拱手三辭而履帝位汝惟幸會

周旋廷中預觀盛儀亦可謂榮也已稍遷厥次毋或不

祇可

湖南提舉司保明到資政殿學士左中大夫知

潭州魏良臣任內起發過賣田產價錢二十

二萬二千九百餘貫九月二十三日聖旨特

與轉一官本官已身亡辛巳

勅進以德者不可廢功榮其生者胡寧背死茲實馭臣之柄亦惟厲世之權故具官某以重望服大僚以威名開巨鎮屬授由之中率當增秩以嗜庸取甘茂之官方將刻贊奏相如之札遽摧遺書深惟成命之既行豈以云亡而遂格追錫詔除之寵足為身後之光可

武翼郎帶御器械兼幹辦皇城司曾覲用隨龍

恩轉一官除遙郡刺史

欽定四庫全書

文忠集
卷九十四

勅具官某朕祇奉睿謨紹承聖緒加惠不遺於遠服疏榮可廢於舊勞爾夙蘊材猷雅精辭藝駉乘而臨代即備著忠勤舞干而衛舜階方資謹飭其叙遷於諸使仍遙刺於名邦尚對恩華益肩報禮可

武功大夫湖南安撫司準備將權全州駐劄第

九將官曹澤不能彈壓將兵致生事窘辱知

州王蓋臣降一官放罷壬午九月二日

勅具官某昔之為將馭下有律士寧死而不敢犯法况

敢怙衆為亂乎汝何足以知此貶其秩而免之可

三省樞密院奏武鉅昨收復鄧州其知房州司

馬倬首遣鄉兵二千人應副錢糧共濟國事

閏二月十七日聖旨特除直秘閣

勅具官某南陽版籍歸我職方幕府上功朕既以差而賞之矣惟汝填臨周郡協比鄰邦悉其賦與助闢境土寓直圖書之府豈獨為汝勸哉表而出之所以使搢紳介冑聞知吾文正公之有後也可

欽定四庫全書

文忠集
卷九十四

九

湖北江西制置使吳拱奏敵帥劉蕡窺伺襄陽於隔奴灘奔衝俱被官軍殺退推排立功官兵三千八百二十九人數內第一等武功大夫吉州刺史趙振第三等武功大夫兼閩門宣贊舍人重巽轉一官

勅具官某劉蕡帥師窺吾襄漢汝能奮擊遂遏其衝將拱以言遞陞遙領尚圖忠報毋使功疑可壬午八月十日勅並與遠

轉郎上
行上

入內侍省寄資拱衛大夫遙郡承宣使李家

與轉歸吏部特差幹辦內藏庫填見闕

九月十一日

勅祇事宮闈既殫勤力易官銓部厥有故常具官某統

畏以自修溫純而寡過階視橫班之峻職參留務之崇

藉爾幹材司吾禁帑尚體勤儉之意毋忘出納之公可

資政殿大學士左大中大夫知建康府王綸乞

致仕八月二十二日聖旨與轉一官致仕

欽定四庫全書

文忠集
卷九十四

十

勅少則歌鹿鳴而薦於朝老則釋麒麟而居其里攷昔
人而或有在近世以幾希具官某行峻而濟以通學博
而歸之正雖先日宦將之不遂而平居譽望之已隆父
母無間言故州閭鄉黨皆稱其孝既窮無怨色故去就
出處惟義之歸逮承太上之深知驟極一時之榮遇入
間棘槐之列出分桑梓之庾雖膺力之既愆顧歲年之
未暮屬間嬰疾遽致為臣稍遷寄祿之階追遂掛冠之
志君臣之分終始有光可

王綸上遺表特贈五官

辛巳九月十六日旨擇

勅朕以眇身初承聖緒究觀前日左右輔弼之臣而想

其遺風餘烈贈槌之典夫何愛焉具官某有辨博貫通

之學有清明敏達之才其踐禁塗則高文大冊鼓動於

天下其登右府則崇論竑議簡在於帝心出臨父母之

邦登忽至於大故朕甚傷焉夫古所謂鄉先生者沒則

祭於社而後世良二千石民亦奉嘗之爾於二者蓋兼

之矣進階五等爰舉舊章所以慰邦人之思非獨為王

氏之寵可

文忠集
卷九十四

十一

右中奉大夫徽猷閣待制賜紫金魚袋致仕宋

喚上遺表特贈四官

壬午正月二十九日旨

勅昔在慶厯皇祐間人才為盛時惟丞相庠總領衆職
以協贊上治朕緬懷名德而恨不及見也閱從臣之籍
得其曾孫馬流風善政康或有考今其亡矣寧不慨然
具官某學知守其家材實裕於用被遇徽祖竭誠靖康
謨訓具存忠勤可驗會予初政撫爾遺章茲用興喬木

之恩而貴以增秩貤恩之寵管窺未泯尚知享哉可

武功大夫保寧軍承宣使續環乞將昨解罷御

藥院恩澤內轉一官與承信郎瞿志行見今

官上收使 辛巳十月二十四日

勅某官退休而貤恩外廷之與內侍一也汝用是以還

秩不既幸乎尚恩所以稱此者可特授承節郎

入內侍省寄資武節郎蔣世忠入內侍省

寄資武翼郎梁恩並為父病特與轉歸吏部

欽定四庫全書

文忠集
卷九十四

十二

守本官致仕

勅某人等汝久已抱病不勝洒掃之職俾歸銓部遂掛

銀璫如其有瘳可以自佚可

右迪功郎余武康用紹興十六年隨韓京軍自

廣東往福建平賊至梅州殺併賴權節林細

花一十火第一等功轉一官循入右從事郎

勅具官某盜授首於梅川今十有六年矣而汝猶賫代

以為請功疑惟重不汝靳也毋以幸得而忘報焉可

紹興二十四年五月五日勅節文常州勘到承

節郎趙不屈為打死人力時議特降一官元

定私罪杖情理稍重

勅具官某僕隸犯上固當深懲榜而斃之則太甚矣錫

官一等繼此母然可

左武大夫鄂州駐劄御前中軍第十將正將吳

宏因搭刻隊下食錢等事三十二年四月十

七日聖旨降一官令本軍自劾該六月十三

欽定四庫全書

文忠集
卷九十四

十三

日大赦叙復

勅坐法而貶會赦而叙厥惟邦典朕則何心具官某服

在轅門幸參將列乃繇剝下稍抑橫階累月復之可謂

幸矣夫赦固不數而法常可畏往思報効勿蹈前非可

三十二年九月六日勅陳誠之董德元余堯弼

並與復端明殿學士宋樸鄭仲熊巫伋章復

魏師遜汪勃史才並與復龍圖閣學士見任

宮祠人依舊汪勃與宮觀

陳誠之董德元

勅朕以六月丙子承前訓履帝位蓋南鄉三辭而後受
羣臣之謁眷懷邇列雖不在廷而慶澤所加當繇貴始
具官某以雅正之文冠多士以忱恂之行慕古人參執
事樞宜昭譽聞爰游故里實簡朕心夫禮大臣則國體
尊寢耆舊則民風厚況於初政其敢愆忘秘殿通班時
維興敷書不云乎爾身在外乃心罔不在王室毋以久
滯周南遂廢謀猷之告也可

欽定四庫全書

文忠集
卷九十四

十四

余堯弼家樸鄭仲熊丞役章夏魏師遜汪勃

史才

堯弼用進
班批殿

勅日月麗天大人有繼明之象雷雨作解君子推宥過
之恩蓋不遺一介之臣矧敢忘成德之彥邦彛是式寵
命其敷具官某雅望足以服人宏才足以濟務壽聖嘗
加於禮貌眇冲尚識其儀刑久安閭里之將茲值國家
之慶進班內閣仍處珍臺盛德日新方仰承於慈訓遠
猷辰告尚有望於舊人

二制既出而臣寮有
言奉聖旨則施旨揮

贛州寧都縣孚惠廟神特封靈應侯

勅某神贛之北鄙有壯哉縣其民勤故力穡而賦厚其
地磽故閔雨則農傷惟爾有神禱焉輒應削章來上朕
用歎嘉進爵徹侯增光廟祀尚其受職永庇一方可

忠州申取應宗子趙不括昨於紹興二十九年

取到夔州路轉運司文解當年九月赴四川

制置司類省試院覆試中第六名丁憂赴鄉

試不及補承信郎 壬午六月二十三日

欽定四庫全書

文忠集
卷九十四

十五

勅某人乃者深念宗盟或游蜀道均以十人之制蠲其
萬里之來汝既中程是當錫命往聯右列尚勉後圖可

隨龍使臣張興世孫璫並與除閣門祗候先次

供職支破諸般請給候有闕日依資次撥填

入額 九月十九日

勅某人汝服勞潛卽會朕龍飛可謂非常之遇矣列名
上閣豈常格所當得哉深體異恩往祇乃事可

成忠郎吳昱特與除閣門宣贊舍人日下供職

壬午九月二十一日

勅具官某唐郭子儀功止一身而八子皆貴顯朝廷今
吳氏父子兄弟並為名將有大功於西州其可不使汝
入仕王畿而稱朕寵綏之意乎往贊朝儀尚識朕指可

光州城西威惠廟中尊威惠顯應侯加封英格

威惠顯應侯東位昭惠順應侯加封武格昭

惠順應侯西位孚惠靈應侯加封忠格孚惠

靈應侯
壬午八月七日

欽定四庫全書

文忠集
卷九十四

十九

勅某神等疇昔敵師擾吾淮服乃眷期思之壤有嚴威
惠之祠靈若降於雲中厲遂驅於山左鼎加美號顯答
陰功尚秩祀以依人永孚休而受職可

榮州刺史利州路兵馬鈐轄御前中軍統吳挺

除主管熙河路經畧安撫司公事馬步軍都

總管兼知熙州依舊充御前中軍統制
壬午

勅朕惟熙寧轉戰乃得狄道枹罕而郡縣之中值多艱
淪於戎索一披輿地之圖未嘗不深嘆而屢歎也具官

某忠孝智勇本於家傳坐以中堅力摧強敵舊疆寢復
朕甚嘉焉就畧帥權付之西畧兵法曰善戰者致人不
致於人爾父子為我善謀之可

承信郎牛永壽牛師正因父武功大夫牛皓陣

亡補官依赦換給王清男王仲申貴男申明

換給承信郎同詞
壬午八月二十八日

勅具官某爾父皓捐身為國朕用憫傷悉錄其孤仍加
真命視漢羽林之養不曰厚恩乎可

欽定四庫全書

文忠集
卷九十四

十七

東南第四副將范雄丁母憂起復武功大夫護

聖軍統領官左祐起復同詞
但改云爾
久服棘門

勅某人爾久控要津屬罹家難方時右武可廢奪情勉
立戰多以成陵母之志可

登極赦書德壽官見今侍衛親從官僚等於今

赦合轉官外特與各轉兩官數內武功大夫

成州團練使陳子常階官選郡上各轉行一

官

勅事吾君父既有成勞推國恩榮豈遵常度具官某諱恭有守通敏無疵屬布慶條咨來茂渥升之橫列益以干城往服褒嘉務勤夙夜可特授右武大夫某州防禦使

資政殿學士左中大夫魏良臣轉一官致仕

勅四十強而仕七十致其政名遂身退天之道也眷予舊弼以疾告歸雖欲留之顧何及矣具官某果藝蘭達為國寶臣本之以忠槩文之以儒術故昔嘗大用而國人皆以為喜今茲得謝則又惜之夫直諒之節顯於朝廷豈弟之政著於數路卿大夫出處如是亦難矣增秩而去豈不身名俱榮也哉可

魏良臣上遺表贈五官

勅昔吾盛時朝多故老疑則咨以政祀則名之陪殿今幾人又失一鑑具官某慷慨自許純明不欺勇於義故臨難而弗辭裕於才故居官而可紀雖經濟之功未究而著宣之績屢書予惟汝嘉歲不我與知其疾固已憂

欽定四庫全書

文忠集
卷九十四

十八

矣聞其訃為之惻然不有追褒孰紆悼念往進階於五等尚服寵於九京可

左從政郎新德慶府教授陳文彥前任惠安縣

尉右宣義郎新知印武軍泰寧縣李叔謨前

任晉江縣尉從義郎張建前任惠安等四縣

汾海小堯巡檢右文林郎建康府觀察推官

曾宗鎮前任同安縣尉並為透漏商販往密

州降一官

欽定四庫全書

文忠集
卷九十四

十九

勅具官某古者自王畿達貨賄於諸侯猶以節傳出之今商人遵海而南放於琅邪可謂遠矣汝昔為尉弗察也雖欲逃責得乎可

巡檢云汝職警捕弗察
壬午四月三十日勅

中亮大夫宣州觀察使殿前左軍統制閣德於

殿帥趙密前高聲無禮聖旨階官還郡上降

一官令本司自劾

辛巳十一月二十四日

勅漢李廣不謝大將軍意象愠怒終以離鄙况功名未及廣者乎具官某知軍法犯上者殺而惡言忿色蔑視

主帥豈汝或有辭耶深治則矜愚不治則廢法崇階遙寄皆少損之可

密球元係拱衛大夫文州刺史因虛詞進狀論

山地事降兩官遇赦已叙一官今滿再期再

叙未復官 壬午六月十日

勅再期而叙其官法也抑有恩存焉具官某頃以懷護抵罪今盡除之朕恩厚矣毋謂法所當得而不思報可

保義郎監鎮江府金壇縣酒稅榮蔣借支合得

欽定四庫全書

文忠集

二十一

職田米俸米及不知有加量米數特降一官

壬午閏二月二十四日

勅具官某貸粟於官且忘其不繫焉皆過之小者吾猶薄責所以勉汝廉也可

承節郎前權峽州蜀江巡檢李政不即追捕強

盜該恩及去官特降一官 壬午五月五日

勅具官某冠擢為患從而不得是食焉而曠其職也更赦勿治其特貶之可

修武郎監成都府新都縣商稅劉世寧誤保李

餘慶詐冒陳乞李青陣亡恩澤降一官 壬午

閏二月二十六日

勅具官某朕聞死政之孤故許貶恩於族黨今以偽聞是欺也不於爾保任者責之將誰責耶可

立皇太子潛即官吏等特與轉兩官資登寶位

應隨龍官吏并諸色祇應人軍兵等各特與

轉四官資 八月十九日奉旨

欽定四庫全書

文忠集

二十一

勅某人等汝以中涓祇事潛即自己已至於丙子曾未決日而值朕登儲御極之慶可謂幸矣進階六等與夫累歲月而得者相萬也蓋恩所以稱是哉可

故贈開府儀同三司楊政妻崇國夫人南氏獻

助錢引十五萬道二子楊屢楊麻特補成忠

郎

勅某人等昔汝父政乘寨底續今汝母南入貲贍國子惟寵嘉之優命以官蓋將慰榮鼓之恩而稱鳴鳩之壹

非獨尊顯汝曹以風百姓也可

幹辦內東門梁康民張安上轉歸吏部充德壽

官差遣

勅具官某等共惟太上非心黃屋而樂遊大庭之館命汝入衛可無異恩茲用解房閤之權賦銓曹之祿往祇乃事勿替恭勤可

忠訓郎王瑛除閤門祇候

勅具官某爾父久提銳旅嘗立戰多肆爾弟兄並膺寵

欽定四庫全書

文忠集

三十一

數往參二閣勉習朝儀可

黃圭除閤門祇候

勅具官某高門之地文石之班隸職其間與有榮耀今以命汝尚其祇欽可

入內侍省寄資武翼郎黃昭慶與轉歸吏部

先次參部出給請受文歷特差主管台州崇

道觀任便居住

壬午六月八日

勅具官某爾父以謹敏給事官掖歸之銓部憫其勞也

賦之祠祿優以恩也往其懋承之哉可

承信郎陳雋母某氏年九十五歲該紹興三十

一年明堂赦封太儒人

勅某氏爾年且期頤而有子從仕庶幾詩人所謂壽母者肆因祭澤列之命婦告而族黨侈我榮懷可

左武大夫忠州團練使杜勝因任東南第九將

違法決軍兵致死降一官放罷見降作刺史

遇登極赦叙元官

七月二十三日

欽定四庫全書

文忠集

三十二

勅曠蕩之恩何辜不釋矧如青固在虧除具官某頃以任威稍裁遥寄茲逢霽澤一洗丹書復爾練戎謹於御下可

右武大夫和州防禦使添差江南西路兵馬鈐

轄撫州駐劄李貴特降兩官仍落遥郡放罷

送撫州居住令臨安府差得力使臣軍兵管

押前去

壬午八月二十四日

勅具官某漢雲中守尚上功差六級下吏削爵隋文帝

著令盜邊殺一升坐法斬首蓋法嚴則人不犯是乃所以為寬也汝既欲冒陷陣得城之功又取府庫之金而有之廷尉請論如律朕以犯在赦前特從寬宥下從諸使仍削還防徙之臨川可以三省其過矣可

敦武郎監明州戶部贍軍酒庫許濤承節郎監

明州戶部贍軍酒庫祝端表並為不覺察專

知官借貸官錢特降一官更展二年磨勘

壬午三月二十日

欽定四庫全書

文忠集

卷九十四

王

勅具官某等嚴則人不敢犯明則人不能犯汝職筦庫二者咸無焉出納之間吏得移用者以此錮官一等少警曠疎可

帶御器械宋鈞權知閤門事

勅具官某隰朋閑習進退亦也願相會同是知朝廷之間古人蓋以觀禮爾溫純有恪詞采甚文拔繇執戟之聯試以司儀之事踰階歷位其糾正之濟濟翔翔則予以懌可

欽定四庫全書

文忠集

卷九十四

王

文忠集卷九十四